

落
颿
樓
文
稿



落
颿
樓
文
稿

沈
垚
撰

中
華
書
局

叢書集成初編

落駟樓文稿

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一
統一書號：一七〇一八·一五一

落
颿
樓
文
稿

此 據 連 筠 簃 叢 書
本 排 印 初 編 各 叢
書 僅 有 此 本

落颿樓稿序

穆與子惇交。以談藪深相契也。及子惇歿且十年。讀其與鄧王腹軒大令書曰。盍於知名之士。不敢妄相投契。必求其有性情者。乃與訂交。故兩載留京。僅得平定張頤洲一人。然後知余之不見棄於子惇以此。余無似不足辱良友知。然子惇取友之義則嚴矣。子惇以道光十五年入京師。館徐星伯先生家。先生數爲言其地學之精。越一年。乃相遇於道州。何子貞同年所。卽承以長春西游記金山以東釋見示。并讀其落颿樓文稿。此所刻前二卷是也。由是往來遂密。又越四年。而子惇遽瘳疾卒於會邸。時子貞扶文安公柩歸里。穆朝夕守護醫藥。比視含斂。殯棺野寺。哭奠成禮乃去。至始終經紀其喪。則星伯先生一人而已。先是歲壬辰。文安公視學浙江。子惇以庸蜀羌髡微盧彭濮攷。爲文安所首拔。未幾。文安召還朝。新城陳碩士侍郎繼之。又以尙書古文考。毛詩古音考。爲侍郎所賞。歲甲午。遂以優行貢成均。時年三十有八矣。程春海侍郎嘗讀西游記。擬爲一文疏通春廬宗丞跋所未盡。及見子惇跋。歎曰。地學如此。遐荒萬里。猶目驗矣。我輩枵材。未足語於是也。又嘗與張淵甫孝廉論禮服。往復詰難。百辯益堅。淵甫瞠不知所答也。子惇留京師。爲桐城姚伯印總憲校國史地理志。寓內城。間旬出相訪。則星伯先生爲羶羊炊餅。召余共食。劇談西北邊外地里。以爲笑樂。余嘗戲謂子惇生魚米之鄉。而慕羹耆麥。南人足不越關塞。而好指畫絕域山川。篤精漢學。而喜說宋遼金元史事。可謂三反。子惇聞而軒渠。以爲無以易也。作字模範鍾王。而

偏旁點畫。必斬合於六書。當道州新城視學浙江時。日照許君印林皆在幕中。印林嘗爲余言。鎖院得子惇卷。如辨古金款識。淺學者或不能盡識。輒傳觀以爲奇寶。至爲賦頌駢儷之文。則又精雅似六朝小品。蓋其多藝如此。性沈默。每當衆論鋒起。拈髭靜聽。若都不解。及客退而發其乖違。斷斷不少假借。故於一時才士。子惇旣少所許可。人亦或畏且忌之。不甚內交也。庚子十月。忽手錄所譔漳南澠北諸水考見貽。其意懇懇然。若有所諄屬者。未及一月。而子惇病且死矣。垂殯。猶力疾檢施北研遺山詩箋初印本相付。北研者。烏程老儒。孰於金元掌故。子惇所嘗從問業也。茲余爲靈石楊氏袁刻叢書。爰取子惇遺稿。合以子貞所藏前二卷。都爲一編。附梓問世。嗚呼。自子惇死。余多得金元遺文。每恨不能起我良友共讀之。偶有纂述。至山回水互診脈俱窮之際。益思得如子惇者助我。而至今未一遇。乃星伯先生卒亦且二年矣。寡聞之慨。其有旣哉。道光二十九年閏四月。平定張穆序。

落駟樓文稿卷一

清 烏程沈垚子敦撰

六鎮釋

後魏六鎮。沃野最西。懷荒最東。沃野、懷朔、武川三鎮。詳元和郡縣志。柔元鎮見水經注。灤水篇。懷荒鎮見太平寰宇記。雲州下。獨撫冥鎮。地志家皆不言耳。魏書高祖紀。太和十八年秋八月。行幸陰山。癸丑。幸懷朔鎮。已未。幸武川鎮。辛酉。幸撫冥鎮。甲子。幸柔元鎮。自西而東。則撫冥在武川之東。柔元之西矣。詔六鎮及禦夷城。年老孤貧廢疾者。賜粟有臯。各有差。則禦夷在六鎮外矣。元和志。西受降城。正東微南至天德軍。一百六十里。天德軍東南至中受降城。二百里。中受降城。東至東受降城。三百里。東受降城。東北至單于都護府。一百二十里。沃野故城。在天德軍城北六十里。後魏六鎮。從西第一鎮懷朔古城。在中受降城界向北柵側近。後魏六鎮。從西第二鎮武川城。在東受降城北三百里。元和志原文。作在軍北三百里。案軍降城置振武軍。天寶四年。節度使王忠嗣。移于單于大都護府。在軍北者。據振武未移而言。振武軍北。即東受降城北也。後魏六鎮。從西第三鎮。案水經河水注。白道中谿水。發源武川北塞中。南流逕武川鎮城。又西南出山。於雲中城北。南注芒干水。塞水出懷朔鎮東北荒中。南流出山。西南入芒干水。芒干水。又西南注沙陵湖。考沙陵湖。即唐金河泊。元和志。東受降城。在勝州榆林縣東北八里。金河泊。在縣東北二十里。周回十里。雲中故城。在縣東北四十里。沙陵湖及雲中故城。皆

在東城東北。則塞水亦在東城界。然則懷朔鎮在中城東北界。西去沃野鎮遠。而東去武川鎮近矣。水經灑水注曰。灑水東徑潘縣故城北。又東逕下洛縣故城南。又東左得于延水口。水出塞外。柔元鎮西長川城南小山。東南流逕且如縣故城南。又東南逕馬城縣故城北。又東南於大寧郡北右注雁門水。又東南逕小寧縣故城南。又東南逕大寧鎮故城南。又東南逕茹縣故城北。又東南逕鳴雞山西。又南逕且居縣故城南。東南注於灑水。寰宇記。雲州雲中縣下引入塞圖云。平城直東行二百二十里。至高柳城。又東行一百八十里。至代郡城。又東北行一百七十里。至大寧城。當涿郡懷戎縣北三百里也。從大寧西北行百。里。至懷荒鎮。案懷戎縣。唐爲嬀州治。今宣化府保安州地。本漢潘縣。大寧城。當懷戎縣北三百里。則是後魏大寧郡。懷荒鎮。在大寧西北百里。則西去柔元鎮甚近。柔元鎮。唐爲天成軍東北竟地。懷荒鎮。唐爲納降守捉地。元和志。單于大都護府東南至靜邊軍一百二十里。靜邊軍東至雲州一百八十里。雲州東至清塞城一百二十里。又東至天成軍六十里。又東至納降守捉九十里。與幽州分界。計自單于都護府至天成軍四百八十里。而武川鎮又在單于府西北。柔元鎮又在天成軍東北。武川至柔元約六百餘里。而撫冥在其中間。然則六鎮相距遠近。約略可知矣。以今輿地言之。沃野鎮城在吳刺忒旗西北。懷洎鎮城在吳刺忒東北。武川鎮城在歸化城西北。柔元鎮城在正黃旗察哈爾東南。懷荒鎮城在正黃等四旗牧地南。歸化城之東爲四子部落地。歸化城之東南爲鑲藍旗察哈爾地。四子部落之南爲鑲紅旗察哈爾地。鑲紅旗察哈爾之東爲正紅旗察哈爾地。正紅旗察哈爾之東爲正黃旗察哈爾地。正紅旗察哈爾之

南爲太僕寺右翼牧地。正黃旗察哈爾之東。則正黃等四旗牧地也。自正黃旗察哈爾。西至歸化城。五百餘里。不知撫冥鎮在今何地。然則六鎮故城不可考者。獨撫冥耳。

新疆私議

自古制戎狄之道。無不以通西域爲事。漢置西域都護。斷匈奴右臂。而單于入朝。唐平高昌。滅焉耆。取龜茲。于闐。疏勒等屬國於突厥。列爲安西四鎮。扼諸蕃走集。則北不患突厥。南不患吐蕃。建武時。西域請復內屬。光武辭不許。意非不美也。而永平中。匈奴卒協諸國共寇河西。明帝命將討匈奴。取伊吾盧地。卒通西域。而後寇息。武后時。吐蕃將論欽陵。請罷四鎮兵。后從郭震言不許。逮上元後。河西隴右皆陷沒。而李元忠守北庭。郭昕守安西。與沙陀回鶻相依。吐蕃百計攻之不下。是時唐室多難。強臣方命。而吐蕃兵終不能踰隴而東。固由鳳翔涇原。唐皆屯設重兵。亦未始非畏安西北庭之議其後。有所牽制而不敢逞也。元定西域。而後取中國如拉朽。宋墮夏州。不救靈州。於是西域爲黨項隔斷。而契丹不能制矣。明不阨玉門陽關。而守嘉峪。於是中葉以後。蒙古諸部北擾延綏寧夏者。遂踰涼甘。絕瓜沙。據青海。而東擾河洮岷矣。然則隔絕羌胡。茲通之路。使不得并力東寇。西域誠要地哉。而論者或謂竭內地以事外夷。散有用以資無用。不知外夷不守。防守將移在內地。而費益不貲。西域地廣饒水草。其處溫和田美。種五穀。與中國同時熟。誠廣行屯田積粟之法。卽有軍興。可無需中國餽運。然則謂西域絕遠。得之不爲益。棄之不爲損。真迂士之論。而不審於漢唐之已事者矣。然漢之都護。雖統率南北二道。固非有其地也。唐所有者。僅車

師前後國及焉耆地而龜茲以西爲國如故也。我國家皇靈遠邇，威德遐宣，風行所及，日入以來，皆慕化輸誠，願爲臣妾。高宗皇帝平伊犁，定回疆，闢地二萬餘里，漢唐所謂烏孫、西突厥及蔥嶺東城郭諸國，均編入內地，有重臣鎮守，則昔之羌種塞種，今皆天子生全長育之民。昔之窮荒極遠，界在區外之國，今皆國家出貢賦，列亭障之地矣。夫漢不有西域地，然棄西域，則河西受敵，唐不有龜茲以西地，然棄四鎮，則伊西庭三州單弱，故當時君臣深謀遠慮，悉力與匈奴吐蕃爭，而不肯棄也。況地皆王土，民皆王臣，隸版圖已久，涵濡醴化已深者哉。前年逆回張格爾叛，攻陷喀什噶爾等四城，西垂自蕩平後，休養生息六十餘年，一旦逆賊猖獗，調兵籌餉，羽書旁午，加以地界窮邊，冰雪滿山，戈壁匝地，輓粟飛芻，轉運難阻，大臣以其懸遠難守，欲棄四城，皇上深仁覃覆，不忍置遠方於城外，謂英吉沙爾爲外蕃各國入回疆之總道，棄之則朝貢路斷，和闐南通後藏，葉爾羌等城，歲解伊犁銅布棉數萬，棄之則伊犁經費有缺，夫回部諸城，北界雪山，西戎蔥嶺，四城據蔥嶺之要，無四城，是西面無門戶也。絲喀什噶爾而東，據烏什而北，鈔則伊犁之兵列城障而守，絲和闐而東，渡河而北，則庫車以東諸城危，波河而東，經故曲先衛，歷白龍堆而東，鈔則安西敦煌諸州縣盡城守矣。四城不可不復，非一勞不能永逸，且祖宗開闢之地，尺寸不可失，赫然震怒，命將出師，楊威將軍長齡等承聖旨統勁旅，躍馬昆山之西，投鞭計式之水，三戰皆捷，遂復四城，曾未幾時，逆首就獲，安集延布魯特諸蕃益懾皇威，稽首恐後，蔥嶺以西至於海曲，莫不震疊，咸修職貢。高宗皇帝開創新疆，遠拓邊塞於萬里之外，皇上敬繩祖武，天戈所指，電掃塵清，誠所謂聖人之達孝，善

繼善述者矣。然而元惡就擒，撫綏爲急。善後事宜，方勞聖慮。夫議者之所以欲棄四城，空其恐謁中國也。自軍興以來，所費誠不少矣。然漢不有其地，而都護校尉等官，監諸國兵攻匈奴，未嘗勞費內地。諸國未屬漢時，匈奴置僮僕都尉收賦稅，取富給焉。及旣屬漢，則發畜食，食漢軍，負水擔糧，雖苦迎送，然未嘗不給。漢所置田官，僅渠犂北胥犂數處，然未嘗匱乏。卽間有匱乏，亦不過發酒泉敦煌驢橐它負食，出玉門而已。未嘗擾及天下。國家回疆諸城，東西六千餘里，南北亦數千里。張格爾亡虜小醜，非漢部善莎車王有國有民者比。一朝竊發，朝廷以軍餽爲慮。昔之西域，分爲三十六國，國小地隘，然尙以自奉之餘，奉匈奴奉漢而無不足。今之回疆，以阿克蘇以東數千里膏腴沃衍之地，而不能足軍食，以備一小醜。何古今懸絕若斯耶？則以回疆鎮守諸臣，不講求於屯田積穀之道故也。西域經華噶爾霍吉占之亂，人戶死亡略盡。大兵平定後，招集流離，漸就安集。夫龜茲有東西川焉，耆有敦薨水，皆左右其國城。水流逕通，枝津布漫。桑宏羊言，輪臺以東，水可溉田五千頃以上。誠穀食易給，足不可乏之國也。故匈奴賦稅之使，長居焉。耆尉犂危須間，而漢都護治烏壘，與渠犂田官相近。昭帝用宏羊前議，復田輪臺，亦與渠犂相連。今之庫車，古之龜茲也。今之布古爾，古之烏壘渠犂也。今之哈拉沙爾，古之焉耆尉犂危須也。今之海多河，齊召南水道提綱，所謂南源東流，經枯察北者。古之龜茲東川也。其在哈拉沙爾西者，則古之敦薨水也。哈拉沙爾等城，有灌溉之利，蒲魚蘆鴈之饒。詳蔥嶺南北河考而所安插之士爾扈特、霍碩特二部，不能力本農務耕作，唯以盜竊爲事。新疆初定時，荆榛彌望，墾荒之人，聊無村落，故賦稅鮮少，僅足支給各官祿米。伊犁

兵食須仰給內地。其後荒地日闢。生齒日增。則經制亦當漸備。鎮守諸臣。誠以時度地形。益治溝洫。廣田畜。務儲積。則內地之轉輸可能。蓄積益多。兵食益足。緩急有備。則雖犂大宛。蹈康居。斬郅支。亦非甚難事。何至以回疆奉回疆。而不能制一小醜哉。不知經久大計。令有以待卒然之變。但奉行成例。歲歲仰關內脂膏。以贍防守之卒。是守外徒以耗內。非衛內也。平時尙不免耗內。況有事乎。不欲耗內。則必棄外。此議者所以有四城縣遠難守之說也。然則遠終不可守乎。非也。不盡其守之道。故不可得而守也。不守遠必守近。而守近之費。不減於遠。或更甚焉。則何如盡守之之術。以守遠。不棄可耕之地於外夷之爲得也。夫所謂守之道。則屯田積穀而已矣。四城兵火之後。田廬蕪沒。邑郭空虛。宜及時量留官兵田要地。徙他處回戶實四城。益墾荒廢之土。不足則募民無田而壯健敢遠徙者。詣田所就耕墾爲本業。又令於閒暇時。習騎射戰陳之法。使人皆可用。且耕且守。有變。不至遙遙於萬里外。勞敝索倫兵。庶幾威服西國。四城浸灌之水。有蔥嶺南北河。又有于闐河。膏壤數千里。誠皆開設屯保。卒有外寇。蓄積足爲戰守之備。又何至開口望哺於關內。有司致虛耗中國也。漢徙渠犂田官披莎車地。田北胥鞬。僅一隅耳。然都護尙得以蓄聚之富。時出兵以威外夷。況今合疏勒。莎車。于闐諸國。數千里地而盡田之乎。四城屯政旣舉。卽當益治阿克蘇以東之田。漢元帝置戊己校尉。屯田車師。前王庭。明帝置宜禾都尉。屯田伊吾。盧西域水甘泉肥。無地不可耕。卽鄯善號爲沙鹵少田矣。而伊循城肥美。則漢置田官。水經注稱。敦煌索勒斷注賓河。灌樓蘭田。遂成沃壤。田三年積粟百萬。今羅布淖爾。卽古蒲昌海。海西南。故樓蘭國也。其處回人以魚爲

糧不知稼穡。繇班固鄧道元之言觀之。則固亦可耕之士。漢車師前王國治交河城。元和郡縣志。西州交河縣。交河出縣北天山。水分流於城下。因以爲名。水道提綱。

所疑爲古交河有三。一在吐魯番城西三百里。一在城南四百里。一在城西二十里。在西二十里者。近之。然其言曰。水自北而南。經吐魯番城。其兩源。皆出巴里圖山。而北與交河合。交河源出縣東北天山。東南如高昌縣。又曰。流於城下。如奇說。兩水合流於城西。與古不合。太平寰宇記。西州交河縣。東南流經哈刺和卓界。高昌縣。天寶元年。改爲前庭縣。故元和志言交河在前庭縣西。齊所指之。三百里。皆非古交河。然其言水泉之多。田之良沃。可見矣。元和郡縣志。爲伊州伊吾縣。本後漢伊吾屯。納縣縣西。齊所指之。三百里。皆非古交河。然其言水泉之多。田之良沃。可見矣。元和郡縣志。四十里。唯哈密有一河。在城東南。南北長百里許。南流十五里合。後漢明帝時。置宜禾田。沙州昌縣爲聚落。至陽關。故城。又西至蒲昌海南岸。千三百里。康鑑與舊鎮使以通西域者。又西二百里。至新城。亦謂之野支城。疊典所築。又西經特勒井。守提。又西經移杜保。彭懷德。故且末城也。高宗上元中更名。又西經慈利支井。祿井。有建嘉力河。東七百里。有精絕國。又于闐東三百里。有坎城鎮。東六百里。有闐城鎮。西二百里。有周城鎮。西三百九十里。有吉良鎮。于闐東距日末鎮下六百里。元和郡縣志。沙州西至石城鎮。一千五百里。案伊格。即伊循之譌。史書中。循循二字。每相混。漢書地理志。武都郡循成道。魏書地理志。戴校水經注。謂之羅布淖爾。亦曰賀。

夫回部者。安西關內之藩籬也。四城者。又回

部之藩籬也。藩籬固。則腹心安。腹心實。則藩籬益固。今當實阿克蘇以東諸城。令皆有積聚。足待四城不虞之用。即當實安西以東諸府州。以待回疆不虞之用。必使回疆有警。但取給於回疆。而不能敵關內。而後關內安。不得已而徵及關內。但如漢時取給於酒泉。敦煌等郡。而不擾及天下。而後天下安。酒泉有呼蠶水。敦煌有南籍端水。氏置水。皆可溉田。宜禾效穀。著於前史。故李勣以一隅地。而能自立於羣雄竊據之時。使長吏皆如崔不意之力。田積粟。當盛可指日待也。漢書地理志。酒泉郡福祿縣呼蠶水。出南羌中。東北至所城。在嘉祿縣西北百二十里。呼蠶水。今日討來河。所入之羌谷水。即至合黎之弱水也。太平寰宇記。肅州酒泉縣呼蠶水。一名潛水。俗又謂福祿河。西自白吐谷渾界流入。水道提綱。卯來河。源出肅州西南邊外青海西北境。有三源

辱其婦女。以積其愁苦冤怨之氣。然猶未遽叛也。一有桀黠凶悍之人。乘機鼓扇。而後向之窮志無聊者。皆揭竿起矣。不觀後漢之多羌患乎。西羌之雜居內地者。多則萬餘人。少或不滿千人。皆役屬郡縣豪右。不爲寇也。豪右旣奴虜使之。小吏黠人又侵掠之。郡縣又淫毒之。於是東羌西羌不勝其憤。相率皆叛。連及河首諸羌。東犯趙魏。南寇梁益。朝廷爲之移徙郡縣。以避其鋒。民不樂徙。則刈禾稼。徹室屋。夷壘壁。以驅迫之。不戰不守之守令。竟忍視民之捐老弱。沿道死亡而不恤也。民多死亡。羌寇轉熾。延及桓帝。數征數叛。段熲轉戰連年。盡殺之乃止。而漢之府庫已空竭矣。并涼二州已虛耗矣。讀范書西羌傳。見鄧騭任尙諸人。錯置乖謬。屢爲之廢書嘆也。使當日任虞詡以平羌之事。何至棄數千里險阻沃饒之地。以資寇哉。使二千石令長。皆馬不入廄。金不入懷之人。則羌亦一氣所生。何至屢征屢叛。必誅盡而始息哉。明之失交趾也。以鎮守中官之貪黷也。使得廉吏以撫之。交趾且至今爲冠帶之邦矣。故欲使西垂無事。必自鎮守諸臣。能仰體皇上安邊柔遠之心始。

蔥領南北河考附

漢書西域傳曰。西域南北有大山。中央有河。河有兩源。一出蔥領山。一出于闐。于闐在南山下。其河北流。與蔥領河合。東注蒲昌海。潛行地下。南出於積石。爲中國河。自玉門陽關出西域。有兩道。從鄯善旁南山北渡河。西行至莎車。爲南道。南道西踰蔥領。則出大月氏安息。自車師前王庭。隨北山渡河。西行至疏勒。爲北道。北道西踰蔥領。則出大宛康居奄蔡。水經注曰。河水出迦舍羅近西山。山卽蔥領也。逕岐沙谷出。

谷分爲二水。南河東流。逕無雷。依耐。蒲犂。皮山等國北。又東與于闐河合。于闐河源導於于闐南山北流。逕于闐國西。又西北注於南河。南河又東逕于闐。扞彌。精絕。且末等國北。又東詩會阿耨達大水。通爲注賓河。又東逕樓闐國。北注牢闐海。北河自岐沙東分南河。又東北枝流出焉。北河自疏勒經流南河之北。暨於溫宿之南。左合枝水。枝水上承北河。於疏勒之東西。北流逕疏勒國南。又東北與疏勒北山水合。又東逕莎車溫宿二國南。右入北河。北河又東逕姑墨國南。姑墨川水導姑墨西北。歷赤沙山東南流。逕姑墨國西。又東南右注北河。北河又東逕龜茲國南。又東左合龜茲川水。又東右會敦薨之水。又東逕墨山國南。又東逕注賓城南。又東逕樓闐城南。東注蒲昌海。是蔥嶺水。分爲南北二河。于闐河即於于闐國西北合南河也。水道提綱以塔里母河爲古于闐河。以海多河爲古蔥嶺河。其言曰。塔里母河源出葉爾欽之大山。即蔥嶺。葉爾欽在吐魯蕃西南二千餘里。即古于闐國塔里母河。即于闐河。東北流至也勒七母之地五百里。又東北千五百餘里。經郭必。伏行鹽磧中。又八百里。與一水自北來者會。又東二百餘里。爲蒲昌海。即古鹽澤。爲洛普鄂模。此水源流三千里。其北來會之水。即海多河也。案于闐河自南而北。蔥嶺河自西而東。于闐河即於于闐國西北合南河。葉爾欽以東東流之水。即古蔥嶺南河。水道提綱概指爲于闐河。失其實矣。又曰。海多河即古蔥嶺河。源出吐魯蕃西。稍南千五百里。領下山脈。自西南來。折而東與天山接。有南北二源出其下。一東南流數十里。經拉察勒北。又東南流。一東流十餘里。經枯察北。又東稍南數十里。而合東流百餘里。經它沙里克北。又東七十里。經古古勒南折。東南曲曲流百數十里。其北

有部落。其南皆郭必也。又東南曲曲四百里。有一河合數水。自西北來會。實北源也。北源又有東西二派。西源出吐魯蕃西千二百里蔥嶺下。東南流百餘里。經烏那哈達哈領之南。又數十里。而東源來會。東源有三大水。自厄倫哈必拉塞南大山發源。即天山也。俱西南流二百里。至克里忒之南五十里合焉。又南會東北來出閼多招地。經朱爾土思地之水。又西南百里。與西源會。二源既合。南流稍東百數十里。折而東流三百餘里。有楚庫河。自北來會。楚庫河出哈拉薛勒西北平地。東流百五十里。經楚庫西北。折而東南。經其西。又東南數十里。與東西二源會。又東南百里。而南源來會。始曰海多必拉。又東曲曲行沙漠中七百里許。經厄勒句海多地之北。又東南而塔里母河自西南鹽磧中來會。會處直吐魯蕃之南三百里。又東流二百餘里。經三塔里母村之北。又東爲洛普鄂模。洛普池。亭而不流。東西長。南北狹。周百餘里。在吐魯番東南三百餘里。哈密城西南六百餘里。直沙州西北千二百里。案元歐陽原功撰高昌僂氏家傳云。高昌者。今哈刺和綽也。今吐魯番東九十里。有哈刺和卓城。唐西州治高昌。則卽唐西州城。元和郡縣志。西州交河縣。東南至州八十里。則吐魯番城。卽唐交河縣矣。漢書曰。車師前王國治交河城。西南至焉耆八百三十五里。焉耆西南至都護治所烏壘城。四百里。北史曰。焉耆南去海十餘里。東去高昌九百里。西去龜茲九百里。元和郡縣志。西州西南至焉耆七百二十里。太平寰宇記。焉耆都督府在安西都護府東八百里。唐書地理志。自西州西南有南平安昌兩城。百二十里。至天山西南入谷。經礪石磧二百二十里。至銀山磧。又四十里。至焉耆界呂光館。又經礪石百里。有張三城守捉。又西南百四十五里。經新城館。